

〔常陸風土記〕香島郡郡東二三里高松濱略○中自此以南至輕野里若松濱之間可卅餘里此皆松山產伏芥伏神每年掘之略○中

郡南廿里濱里略○中

郡北三十里白鳥里古老曰伊久米天皇仁○垂之世有白鳥自天飛來化為童女夕上朝下摘石造池為其築堤乎徒積日月築之築壞不得作成童女等唱曰志漏止利乃芳我部都彌乎都都牟止斯呂唱歌昇天不復降來由是其所號白鳥鄉

〔常陸風土記〕那賀郡茨城里自此以北高丘名曰嘯時臥之山古老曰有兄妹二人兄名努賀毗古妹名努賀毗咩時妹在室有人不知姓名常就求婚夜來晝去遂成夫婦一夕懷妊至可產月終生小蛇明若無言闇與母語於是母伯驚奇心挾神子即盛淨杯設壇安置一夜之間已滿杯中更易瓮而置之亦滿

瓮內如此三四不敢用器母告子曰量汝器宇自知神子我屬之勢不可養長宜從父所在不合有此者時子哀泣拭面答曰謹承母命無敢所辭然一身獨去無人共去望請矜副一小子母曰我家所有母與伯父而已是亦汝明所知當無人可相從爰子含恨而事不吐之臨決別時不勝怒怨欲震殺伯父而昇

天時母驚動取瓮投之觸神子不得昇因留此峯所盛瓮甕今存片岡之村其子孫立社致祭相續不絕

〔常陸風土記〕久慈郡自郡西北六里河內里本名古之邑俗說謂猿聲為古之邑○中略

郡西口里靜織里上古之村未識織綾之機未在人于時此村初織因名之略○中

郡東口里小田里多為墾田因以名之略○中其里大伴村有涯土色黃也群鳥飛來啄咀所食

郡東七里太田鄉長幡部之社略○中自此以北薩都里古有國栖名曰土雲爰兔上命發兵誅滅時能令殺福哉所言因名佐都略○中

所稱高市自此東北二里密筑里村中淨泉俗謂大井夏冷冬溫湧成川

〔常陸風土記〕多珂郡古老曰斯我高穴穗宮大八洲照臨天皇成○成之世以建御狹日命任多珂國造中